

皇清文穎續編

皇清文頴續編卷首三十七

高宗純皇帝聖製詩

五言絕句

新筍

渭南梢已綠
冀北苞方紫
因憶忘年交
不妨皆君子
宿雨潤蘭谿
怒生一日齊
試看分寸際
便爾異雲泥
爲愛千雲意
寧爲清夏供
長松將古鶴
早與結高蹤
戢戢龍新角
依依鳥重枝
栽培生意在
造物本無私

白雲洞

封裏出英英長空幾縷橫所希膚寸合利我萬民耕
白雲寺

入山秋色佳到寺春陽煦匝匝圍玉屏
芭屨張錦樹竹徑穿雲出禪房
花草菲階前一泓水去作垂虹飛
一庭柏樹青千嶂楓葉紫平原逾月行
今朝見山喜靜室纔十笏好山具四隣
當年誰結夏無著與天親巖凹藏乳竇
竹底眇烟郊斷缺唐碑在猶然稱白茅

是寺唐時名白
茅明季改今名

少坐清有餘便去興未已迴視失招提鐘聲白雲裏

王明君

見面始知美反坐畫師罪何不未畫前一見免後悔
青冢月夜魂美人久塵土勿論魂歸時和親亦已苦
和親及增幣御邊策非正誰歟作俑人禍端始婁敬

黃花

黃花鞠本色紅紫今紛羅亦如隱者流後世假藉多

敖漢台吉彭蘇克拉錫能詩書以賜之

出守黃沙塞入趨白玉墀

命在乾清門侍直

幾曾金翕叔入

侍解吟詩

桂六首

秋暖勝去年桂花開却早
臯塗真有神應節從吾好
叶

不可更孤負色香靜且娟
一晌含毫對流陰雲兩年
花既有君子樹豈無金仙
舉手向空宇新蟾銀漢邊

滿院甜香噴坐久却淡如會心不在遠似與善人居
紗窗多護惜甃盆亦貼安若從聞思修堪證菩提果
本是江南樹揚猗塞北山何物不可致人材較却難

詠詩六義

興

舉物用引辭美刺適所託音響中宮商性情愜淡泊

賦

敷事實直陳斯乃言志本嗟哉相如流尚藻失之遠

比

取彼以比此體物堪諧性蔽之思無邪要曰止於正

風

必有關雎意方可行周官二南冠風首化源於是觀

雅

體雖別小大義各具正變忠厚惻怛心同歸殊塗見

頌

和乎涵二雅廣大蓋國風所以吳季札三嘆盛德同

除夕立春

戊除去聲因循舊未新
坦蕩迎萬環輪甲子今夕太分

明是日立春

六言絕句

恭依

皇祖鄭州水淀雜詩韻

遠渚風生鷗浪長
隄烟冒楊絲爲問春湖何似一簷
恰始勝時

船泊不妨淺處溪流曲繞人家得魚沽酒至樂頽然
雨頗微霞

畫意湖光山影生涯沙觜溪頭載得魚鷹棹去銀刀
頃刻盈舟

不識鄴州佳處今朝領畧方新記取禽魚咸若
聖人貽我熙春

王蒙修竹遠山

亭覆修簷瑟瑟崖臨流水淙淙記得會稽山下暮春

遊目曾逢

雲鶴岑

深山大澤之中閒雲野鶴從容玉泉咫尺何有吾意
依稀畧同

棲霞室作

倚巖久矣三間小憩每因寄閒自愛嵐靄朝暮非關
慕蘭攝山

卷舒幾縷綺散映帶羣峯翠含一晌風來窗北亦如

身在江南

皇清文穎續編卷首三十八

高宗純皇帝聖製詩

七言絕句

御史有以沙汰僧道爲請者朕謂沙汰何難卽
盡去之不過一旨之頒天下有不奉行者乎
但今之僧道實不比昔日之橫恣有賴於儒
氏辭而闢之蓋彼教已式微矣且藉以養流
民分田授井之制旣不可行將此數十百萬

無衣無食游手好閒之人置之何處耶故爲
詩以見意

頽波日下詎能迴二氏於今亦可哀何必關邪猶泥
古留資畫景與詩材

秋日翦園蔬賜大學士并內廷翰林等蔣溥爲
十蔬圖以進并系以詩因用其韻答之

植援拓圃驗生生玉莢紅芽雨後成湘簾不妨供下
箸野苓聊藉樂吹笙

秋烟籬落靄斜暉分賜還教蝶伴飛
藜藿應須知此味膏粱底用羨他肥

論宗樂志淡而奇味道端知甘勝飴
譜創十蔬多別致豆棚瓠架入新詞

空傳蒲蕙扇堯厨蔬穀從來勝玉珠
文翰侍臣偏領畧幽風七月早成圖

上巳日觀虞世南契帖因成

搶毫快覩永興書林靜烟新改火餘
何似山陰王逸

少崇山曲水暮春初

坦腹東牀意欲仙由來字必以人傳若從肥瘦論形
似逐塊雖舟我不然

米家寶晉漏傳名學士風流儼若生腕覆郭填都不
管春風卽景獨怡情

於傳蓄處有波濤真比長安薛刻高甲乙何須誇博
辨幾多優孟效孫敖

題貞觀政要魏徵王珪請送葬二王事

上表明陳送寢園豈非不忘舊君恩舊君若問辰羸
事死後將何對九原

戲題投書澗

宋胡瑗講學泰山十年不歸見家問有平安字
卽投之澗中不復展讀故名投書澗云

報來尺素見平安投澗傳稱人所難誠使此心無繫
戀平安兩字不須看

題褚摹蘭亭卷

登善當時司檢校韓馮摹本反無真因知直道在千古非以其書究以人

北郊禮成詣暢春園問

安道中卽目三首

澤壇歲事迴仙苑小仗黃麾御陌排三日玉階疎問
寢先容溫清謁

思齋

萊畦黍隴接村籬雨足郊原事事宜官柳珍髭晨露

潤綠陰濃處翠華移

高槐初聽試聲蟬餅餌香風颺曉烟
一列輕輿憑眺處題詩也覺勝常年

鸚鵡

儘有民間疾苦事語禽何不一傳言
怪底不離飛鳥類長年孤負稻粱恩

康熙六十一年予扈

皇祖駕時居於萬壑松風軒之側今歲攜諸皇子至

此仍以是處居之揭爾經臨撫然感舊

佔畢書齋還似舊兒時居處處

上聲

諸兒越教俯仰懷

恩澤用勵勤修示範儀

山中村

數家茅屋亦稱村六畜兼宜乳字蕃樺木高排成虎
落荳花斜蔓隔羝樊

揀田隨意墾山上避賦成羣到塞中縱是漏卮聽亦
得丈量底更命司空

覽熱河并邑之盛知

皇祖煦嫗之深卽目九秋斷章三首

萬家烟火較前增并邑紛填有賣蒸可識

聖人弘愛育山莊小試有明徵

避賦避災離里閭墾原墾隰藝桑麻慙無爲養因無
禁中外由來久一家

蚩眩喧聞列肆聲高樓縱目玉旻清有秋市物翻增
價近利人言却至情

題楊補之梅花用圖中題者韻

小院梨花空夢雪仙源桃瓣漫霏霞何如不惹纖塵
種占斷西湖處士家

村梅一樹尺圖中展怕遊蜂逐細風笑我寫生雖學
步華光妙理幾曾通

藉甚荆籬併石橋每逢開處豫愁凋惟應箇老神丹
點常馥春風白玉條

宋元合卷成三友曾讀親書小令來姑射今朝真覩

面連林鄧尉不妨開

水村雜詠

溫漿沿洄過水村
水村生事畧堪論
地收一麥無租賦
父老謳歌憶

聖恩

康熙年間

皇祖歲行水圍於此因周視地

界而免其租賦一以習武一以爲畿南瀦水之

區

聖人之意蓋深遠矣然土人每於淤出之地

仍播麥爲餅餌之計夏水潦時則麥已收俗謂一麥

當三

秋云

蝸寮櫛比盡漁家
楊柳風輕碧水涯
捕却魚蝦橫繫

艇夕陽一抹網絲斜

魚租雁賦隨時足春釀秋醪不待沽無心歆羨志和
者盡入烟波釣叟圖

不爭水地足安流豈是區區爲豫遊幾輔黔黎蒙樂
利

神堯遺制庇千秋

石門村

山村秋日又經過已播秋牟早獲禾鉢騎不須遮父

老欲詢生計近如何

安肅縣咏菘

山縣民風與古皆
灌園野叟足生涯
彥倫到此應增戀
霜脆甘菘味正佳

誰道江南足晚菘
綠瓊滿圃秀金風
田家滋味僧家畫
野意何妨六饍充

髯老羔豚頓置渠
較於藜藿定何如
性偏見說嫌形穢
退食難逢下箸餘

史貽直性好潔謂菘澆糞而壯不食故戲及之

董子祠

漢世真儒數仲舒精言三策豈虛車可憐好士秋風
客雜進長陵竈鬼書

不問蒼生問鬼神賈生宣室席前陳始終只有江都
相善治春秋學行醇

帷下三年不入園資深左右乃逢原如何後世爲儒
者摘句尋章枝葉繁

恭奉

皇太后觀荷詞

望雨時

聖母憂子之憂雨旣霑

聖母亦喜子之喜乃敢侍

輦稱慶用答芳辰天下蒙庥孰非

慈訓之流惠也詩以言志短體二章

好雨均霑旣渥優承

歡今始展眉頭蓮花萬朶葉千萬葉葉花花花組

藏籌

機上天孫錦樣紅
納涼水殿暢薰風
幾多彤管徽音著
未擬勤民

此日同

易字

新書易舊新還舊
凡幾更書始愜心
習字故知如是可
求人毋乃背遲任

讀史

千秋紀載半真僞盡信寧無義至精枚卜自緣君意
定區區何繫杜鵑鳴

山莊燈詞八首

傍晚山雲靜碧空芳園萬樹幕當中鑲鋼君長新來
享應許觀燈示大同

火樹騰輝映綠雲鳳簫聲應鹿鳴聞御園節景年年
賞誰識山莊迴出羣

嚴風入夕覺輕寒五月烟花快意看更向幔城舉首

望鍾峯早挂玉輪圓

玉蛾火葢勢飄蕭借助琳巒落翠標
今歲不惟逢閏月都稱閏得上元宵

玉塞天寬不礙月雲莊夜靜恰宜燈
法輪輝朗空王現膜拜殊勝碧眼僧

何必夏惟夜方短果然燈與月爲緣
黃沙青海胥來賀湛露薰風普預筵

龍膏鶴燄光明藏翠柏青楓澹蕩宵
嘉客欣看千帳

會詞臣漫詔九瀛朝

倒桺吞刀百戲陳昇平歌裏踏燈輪重裯列坐歡情
洽底用通言藉舌人

大寧城覽古

斷戍頽垣蔓草青秋風立馬一延停侍臣不識憑臨
意只道初番過大寧

金元遺跡感荆凡祇有羣山繞碧巉慨古心還惕殷
鑒遐荒貼服在和誠

明祖當年亦甚英遠臨絕域建三城豈知土木百年
未介弟居然攝北京

躡後燕師慮患深魏邛會飲早成擒南中燕雀真堪
笑方建臯門及正心

吉林覽古雜咏

克商肅慎致梯航楛矢陳庭理或常未必幅員歸北
土詹桓辭晉失誇張

荒畧山原限大東漢唐紀載鮮精窮購詩只有雞林

使

雞林卽今吉林
益語音之訛

真鑒偏教幸白翁

遼金以後率堪詳
府設黃龍因見祥
地力三農真沃
土舟通百貨宛江鄉

宣和聲色恣情奢
壓境難迴勁旅加
可笑蝨生幽五
國風流猶自號琵琶

卽事五首

吉林圍接盛京圍
天府秋高獸正肥
本是昔年馳獵
處山情水態記依稀

依疆執役兩將軍率下從公各効勤都是沛豐諸子弟爭先奮勇起風雲

詰戎深意寓于畋故國圍場近柳邊聞說

彎弧親射虎稜稜

神武至今傳

我

太祖

太宗定鼎盛京卽留

此地以爲習武教獵之所每以此事爲

重立法亦甚嚴或逢熊虎無不

親御

弧矢馬上射之詰戎示後之意至深遠矣

箭取儵羣俟友鹿網來巨口細鱗鱸雲中山色能生

動澗底泉聲乍有無

卽漸皮衣換絮衣長途定省奉

慈聞留都父老心猶急重喜翠華指日歸

燃霞絢觀書因題

豈無絳蠟將銀燭愛此熒熒古與稽劉向傳經寧我
事居然天祿照青藜

長寧寺恭瞻

太宗所貽冠服二首

羹牆有志難爲覩

冠服重瞻仰

聖靈應現吉祥雲作蓋千秋萬載護長寧

戎衣汗馬

躬勞苦繼述常懷

烈祖靈儉樸心欽發篋始微言卹藉李邦寧

大清門

我

太祖神武明哲創業開基日不暇給而勤於庶政建

二木於門俾下情欲達者書之以進

法貽百世澤永萬年

令許投書異銍簡無聲聽俾下情通古風淳噩非緣
襲謗木堯年

聖制同

學書

底論元常及右軍幾餘養性自懷欣學書亦可通爲
學心欲和平力欲勤

偶憶富弼命相事戲題二首

有序

此事朕以爲不經夫用人行政非宦官官妾所
當預豈獨命相爲然顧仁宗以此得弼而仍使
小黃門覘之又何啻授之以柄耶且命相固惟
其人司馬光兒童走卒無不知名又安可不用
彼碌碌者流又可以其不爲近習所譽而用之
耶則以此爲仁宗王素之美固不可也史臣紀
載往往如是詩以正之

命相聞稱王素對宦官宮妾不知名可憐富弼膺枚
卜若輩終能操重輕
才資變理要惟其豈繫內人知不知設問當時衮衮
列不知名者又伊誰

烏沙爾器

樹名生塞外秋結紅果一枝纍纍千百顆見廣
羣芳譜

紅子垂垂綠葉飄巖關一綫限春翹女夷賦物饒神

解塞外奇蕤映綺寮

是果皆花自作林珠囊錯落翠陰森笑他移植郭駝
拙只許行宮伴倚吟

珊瑚爲實玉爲葉艷發秋風也自豪不向廣羣芳譜
檢只疑天然一與櫻桃

萬樹園燈詞

舉首鍾峯月正圓蓮花萬樹爛輝鮮乍教秋夕成春
夕共道今年勝去年

鰥得鈞耆昔受盟賜觀燈事沐光榮綽羅斯氏彼中
貴共拜新恩奉大清

底須節物玉梁饒菊酒纔過興尙豪四面雲山絕頂
處勝他元胄共登高

黃幕穹廬向遠開燈光月色共徘徊紫霞滿酌親分
賜毳服儒冠雜逕來

烟火三番萬樹圍銀花高下玉蛾繁今宵未弛金吾

禁自九月十三至都道居然度上元
十五凡三夕

蜃膏鶴燄千重艷雞踏龍銜萬種奇最愛鹿鳴青嶂
外分明鼓瑟譜周詩

照夜華鐙陳雁塞借春碧海戴鼇山綵牋書得新詞
就麝韻還催侍從班

九月龍堆了不寒金鳧銀燕萬枝攢恩膏永欲遐方
被宴賞寧尋一已歡

燕九燈詞

晚來風定紫瀾輕花更光輝炬更明何必仙家徵故

事夜珠宮殿總瑤京

試燈已過踏燈闌
瞥眼流陰正好看
欲向法光輪轉處
不遷識取月輪團

來使昔年叨宴賚
降汗今日侍威儀
燈前舉似錢王事
惟道知恩餘不知

絳蠟千枝齊燦爛
火蛾萬點迴飄蕭
玉輪也覺遲遲轉
焚尾風光是此宵

涿郡覽古

龍安高峙古洄流表裏山河拱帝州連歲頻過緣有
事告功漫擬勝蚩尤

華陽置酒名猶在督亢成圖計已空衍水逋逃仍致
敗燕丹終未識英雄

爲政窮經事豈分千秋名教繫君臣昌言抗董知誰
氏聞是當年絳帳人

赤符一脈乃三分羽葆樓桑自昔聞相傍桓侯故井
在當時際會想風雲

瓊樓邊洞乘雲去璧水琴高跨鯉來此事今胡艱目
覩列仙傳記果真哉

郎山遙碧聳嶙峋注水經成字字神千載酈亭傳姓
氏先生台是箇中人

胡良拒馬多淫潦內帑成橋利旅烝中饋戒惟干外
政頌功何事記江陵

寄題河間獻王墓

見說來朝獻雅樂更聞歸邸請遺書春秋立左詩毛

氏求是端非漫取譽

成趣園邊蔓草荒居人猶自說賢王漢家誰更齊芳
者祇有東平樂善蒼

古泮池雜詠

十里東郊舊魯城新城安得泮池名采芹獻馘今符
古聊聽傳訛此駐旌

思樂當時詠泮水興賢育士率於斯祀成信宿鳴梢
去安用栽花蒔竹爲

玲瓏疊石寫三山古樹龍蔥出罅間始自何人注經
誤欲因考證未逢間

結石爲池護水源更聞池上有臺存書雲卜歲云於
是觴濫依稀自道元

魯僖基兆猶然在不見靈光歸獨存魯靈光殿云與此相近遺址今
無可考王逸蔡邕還輟翰荒邱一過更何言

幾株古柏參天翠一沼春波徹地清池上疏軒陳筆
硯誰能坐此閣吟情

題李公麟吳中三賢圖

范蠡

事濟飄然避世喧五湖烟水意行存種山不聽幾先
語第八徒悲犯玉門

張翰

琴語同開入洛船思吳返棹那俄延祇今朗咏黃花
句也占風流五百年

陸龜蒙

三日饒州卽去之葛巾瀟灑信天隨釣車茶具聊攜
處相訪惟應李與皮

和錢陳羣田園雜興十首書以賜之

庸醫望問覓形聲氣餽三閭病豈成我令歸田靜調
攝精神竟得復平生

忽忽過隙白駒催聞道家居七袞開蹕路迎鑾多舊
侶就中頗喜此人來

村舍何妨門縛柴逃禪時有野僧來惟應戀闕心如

炷辨色趨朝心未灰

前歲災鴻實弊勞賑賙南望首徒搔相逢爲問民蘇
未巡狩寧因問柳桃

開年正可墾春畦更喜柔柔葉漸肥勸穡課蠶林下
事豈能高枕說閒歸

武原舟放莫教遲

見陳羣詩

烟雨樓前烟雨微檢得石湖

詩卅首一時賡運興軒飛

陳羣詩本和范成大田園雜興三十首之十也

溪上風來料峭寒春衫也覺切肌單笑伊何故朝衣

典鄉俸從今志可寬

命如沈德潛例在
家食俸故戲及之

世族錢塘滴派錢
禦兒遷里是何年
澎湖淼淼澄明水
可養胸中一片天

溪雲欲泮柳烟低
柳外青帘颺影飛
新壓糟床春酒熟
換沽可解帶腰圍

炊黍何論葍與菰
怡情桃李繪薰醲
今來扈蹕權教置
可忘螭頭珥筆供

行圍三首

春郊取便命春蒐弓燥偏欣手更柔綠野平鋪天鹿

錦好教親試信閑驄

所御馬名

正諫相如信不誣習勞亦欲示烝徒若云今古非殊
致封建井田行得無

小犯大兕曾何必四兔一麋適可哉顧語侍臣今較
劣有人曾見少年來

南苑賜哈薩克布魯特塔什罕回人等觀烟火

燈詞

款關定筭復存卬慶典頻繁舉仲冬爲耀光明逮疏
狄先陳曼衍引魚龍

燈火城南六十春重觀因賚遠來人村民遙近扶攜
至不禁金吾例可循

百道流虹貝闕朝光明彷彿上元宵田蠶事例雖云
早已盼霏空六出飄

後先接踵共來尊難學肅王閉玉門爆響連珠成捷
報便期早晚定堅昆

風定時暄夜正長上弦魄影已騰光周家建子原正

月想是嫦娥也爲

去聲忙

鱗集應教一視同避寒燈火夜深烘高張黃幕三巡

罷訝似清涼萬樹中

山莊三十六景內無暑清涼後
卽萬樹園邇來觀燈火宴遠蕃

之處

翠火明燈玉樹攢化城屋閣絳雲端元宵預借休相

擬惠遠寧爲好樂觀

萬幕高竿揭野燈半輪真是一條水肩輿宴罷還行

館場夕因心畏益增

黃鼎溪山行旅

溪路山程繚且紆青帘野店有招呼如斯行旅猶稱
苦萬里從軍可忘乎

玉僧人拋毬

空色聖凡皆戲論圓毬拋出覓何從當前了識無賓
主底問元沙與雪峯

題高克恭山村圖

尙書醉筆寫雲山雲氣模糊山疊疊安得癡龍乘此
勢崇朝作雨遍人間

副將軍富德奏報小和卓木霍集占亦望風先
逃葉爾奇木回衆投誠擬平定回部凱歌十

首

伊犁平定擬功成就謂狂回乃背盟師直從來荷

天佑詎予本意好佳兵

偏師護衛入回城反面樓蘭太寡情用是再勤將與

卒亦惟誅彼弟和兄

庫車去歲事逡巡不戰不追免脫身設使就擒早偃
武至今猶恨債轅人

阿蘇

卽阿克蘇也克字從上
阿急呼之原成二字

烏什遞投降直進原期

速定馳萬里周行強弩未將軍猶是氣如虹

二千餘人守三月逆回數萬不能攻援軍催進全師

出實賴

鴻禧益惕衷

整軍三路進攻齊早慮同逃不暇齋哈什哈爾

平纔聲

納款葉爾

平聲

奇木又來候

自古火州傳不雨纏頭驚訝雨隨軍驛致佳音感

乾貺降夷日日出千羣

可知化外有同心簞食壺漿獻致欽便爾先逃更何
往前途遮獲定成擒

窮回歸化卽吾民安集勞徠命蓋臣檢校漢唐西域
傳可能到此事傳真

安集延將拔達山豈能自外入鴻間行看往遺去來聲

俘獻兵氣全銷唱凱還

題金旌標畫仙山樓閣

觀聳琳琅洲鳳麟蕊珠叢下會羣真底須更檢神仙
傳一例丹臺注籍人

蕩影虛無曳綵虹憑欄意與海天空欺人漫自稱清
淺一笑千春俯八鴻

界道琉璃禹步移瑤華琪樹鬱參差遣將瑞鶴凌空

去玉檢銀題定寄誰

解得江山煮半鎗長生妙訣合無生笑他癡念延年
者隔岸惟應渴望瀛

題宋人漢宮秋圖

滿幅寒光秋意多涼生別殿罷雲和尹邢相見驚真
是俛泣低頭歎若何

玉笙瑤瑟祀崑臺王母知來知不來剛得青鸞傳信
到珠簾翠扇一時閒

長信天街迤邐深石床
綈几別松陰劉郎真是秋風
客落葉哀蟬獨自吟

爾時院本出宣和
執扇金砧斂怨蛾
良嶽秋聲大相似
淒涼五國兆無訛

趙簡子祠

廣樂鈞天語太奇
常山燕寶蓄深思
祇伊謬謬懷周舍
却合千秋尸祝之

題北平侯廟

直道民行三代斯北平主計至今祠賈生見紬公孫
退却忘王陵解難時

書楚頭賜駐守伊犁內大臣阿桂

典屬今時班定遠冠軍昔日霍票姚雪塗無藉持清
暑欲扇仁風萬里遙

登最高峯作

登峯登合最高峯風拂鬚眉雲盪胸下視鍾山諸培
塿綠瓊盆裏種芙蓉

江山地險帶還襟守德孜孜獨切心
泐石長歌一再

讀

丁丑登最高
却教視民去來今
峯長歌紀事

博洛爾部沙瑚沙默特伯克所進武器製匣藏

之並紀是什

文列星行光溢濤切崑璆似斷秋毫于闐西去千餘
里那數尋常玉櫛刀

右回劍

齊斧言旋早洗兵更無拓遠祇持盈集鱗流仰寧當

拒厚往惟嘉底貢誠

右回斧

題沈周畫萊卽用其韻

老圃家風真盡占蒼生此色那全無
題詞重舉東坡語看作監門鄭俠圖

農器圖十詠

有序

我

皇祖題耕織圖於凡耕夫織婦力作情狀之時之事

無不繪其神而詠其苦以示衣食爲生民要計
也語曰工欲善其事必先利其器茲於多稼軒
中命工寫農器十具各系以詩農之器多矣然
自初耕以至納稼十器大段已具書不云乎惟
土物愛厥心臧俾曰曰厥艱心厥勞較之圖幽
風而書無逸者此物此志也

犁

耒耜由來揉斲爲耜平始教以牛施深耕利用希多

獲玉食惟當念在茲

耙

渠疏破塊佐犁功著土根牢且避蟲踐履欲頻培欲
密卽云爲學豈無同

耬車

耬車播種有神權一日能教一頃全曰力曰勤曰巧
備雨暘時若尙由天

礮礮

南畝雖云種播齊更須碓礱壓塍畦工夫不惜層層
進所戒荒唐志或攜

鋤

去莠扶良古所聞萌之薙氏教春耕鋤基要在待時
舉鋤雨吾方望甚勤

水車

龍骨翻車置水濱農家灌溉踏雙輪憐他底足緣無
雨慙作高居調幕人

銍艾

我稼當秋幸有逢腰鎌千畝日相從可知銍艾奄觀
日爾許艱辛弊老農

連枷

村屋邊傍築圃平振莖留秸起枷聲丹青不是圖山
水彷彿當年刻木情

筵

粗細筍三簋用精古稱玉柱豈虛評請看納稼猶無

暇幾變勤治平粒乃成

杵臼

小過曾聞取象觀
冬宵相杵豈辭寒
自耕及穫經多苦
農父何曾得飽餐

河間道中憶獻王事有作

帝子當年好經學
韓毛撰述闢紛囂
至今畿輔稱多士
必屬河間文物邦

造次於儒儒好去聲
醇山東俊秀盍朋
臻兔園笑彼梁

王武徒致鄒枚詞賦人

三雍五策善尊聞
宜獎賢藩績學勤
何事艱然難孝
武勉之翻用舉湯文

西湖晴泛五首

湖上遨舟喜快晴
六橋花柳湊清明

是日清明節

南屏塔

影映檣直西澗泉聲拍棹輕

潏灩波光晃霽光
鋪隄爛爛菜花黃
芷蒲桃杏非無
色愛此春收佐麥穰

萬頃澄波朗接空無雲無雨又無風誰知一例浮青
雀興與昨朝迴不同

文園曾聞民共之謂宜斯語用於斯清波門外聞張
網却命迴船避罟師

底藉雕花飾綵船心怡卽是坐青蓮舉頭龍井如相
謂山色應知倍淨妍

詠古二首

口外東自八溝西至土城子一帶皆良田直隸

山東無業貧民出口墾種者不啻億萬此漢唐
宋明所無也居今之世尙或有愁穀不足之時
則彼季之民將何以謀食其驅之戍邊者更無
論矣竭爾成章匪自誇實自惕耳

遐想漢唐及宋明圖安祇固守長城良田億萬頃荒
棄足食將何底兆氓

燕北齊東無業民嚴關以外辟耕畝晏眠婦子常歡
聚却是前朝戍守人

寢殿粘壁歷年所作望雨盼晴之詩不一而足
卽目與懷輒成口號

壁多望雨愁晴什復有憂霖盼霽詩似此心期渾不
定要因祈歲協維時

陸治梅花水仙卽用其韻

一般態總含冰雪兩下意都報曉春雅契高標宜合
諧知之惟是箇中人

讀祭鱷魚文

鯉魚食畜且無遺文可通神信有之六十里應仍境內不然鄰國壑奚宜

按唐史載韓愈驅鯉魚西徙六十里夫一州幅員豈止六十里是仍在其境內若驅之他境是以鄰國爲壑也彼之民又將受鯉之暴矣而歐陽修作陳堯佐神道碑又稱堯佐捕鯉魚告以文而戮之云云夫鯉果能爲害又豈能捕而戮之卽捕獲亦無庸告以文也且自二事之後潮州仍唐宋之潮

州也何未聞鱷魚之害文人好奇說項其不可信
率如此因讀韓文並闕之

漢明堂遺址

廢蹟遺蹤辨有無誰云公玉帶曾圖設非麟趾闕
意便建明堂費亦徒

羊祜城

伐吳功弗就垂成薦預終能江左平爲谷爲陵碑總
失至今人尙識羊城

萬樹園燈詞

西陲平定已多年宴賚頻施畢後先孰意新歸額濟
勒山莊重看設燈筵

程經萬里不辭遙嘉與優恩詠蓼蕭自是勞徠惠遠
部非關尋樂借元宵

通使昔曾阿玉奇今來明背俄羅斯納降彼已先孤
約以此折之信得辭

舍楞逃去復還歸悔過斯應滿昔非矧爽光明有如

是縛雞籠內豈爲威

夕峯漸隱夕陽暉萬樹須臾萬燭輝望後漫嫌無月
色上元景物豈其非

詎止隨圍按歲輪頻繁來集仰流鱗新來那不心生
羨明有伊犁舊識人

纏頭環耳各隨宜何必衣冠盡改之獨幸文身南掌
使也隨班末仰威儀

寶塔輝煌百十層鍊錫膜拜法王燈葉幽真是心源

澈設教休誇神道能

詠鶴

一雙官鶴立琳池待飼長鳴似訴飢因憶吾民災饉
後向隅求賑豈周知

往闕永定河下口輿中作

下河南北任流遷壅則傷多導使宣絜矩邱明別知
懼防民之口慎防川

古謠

三南一北雁與燕一長一短夏復冬一翻一覆人情
幻一消一息天道公

題南宋兩朝綱目備要二首一韻

侂冑家奴抵罪宜禁軍何致似與師深謀爾日出彌
遠月落還如星替之

孟浪挑金固匪宜幸和可忘詰戎師西山豈啻工章
句一疏興衰實繫之

題趙挺長短經

鄴縣創爲救弊論愛憎毆業匠和函向時雖類縱橫

說憂末原歸理道談

首章櫟括
幾序語意

宋刊弄自教忠堂通變稱經曰短長比及亂時思治

去聲亂不如平日慎行王

二章評
作書者

卷原稱十今失一總目翻看餘一篇既是梓州善經

濟不應辟召又何焉

三章總
論全書

津瀛文苑繼家聲四庫蒐羅俾贊成邂逅世臣獻遺

簡向年論學憶西清

四章紀事實
是書爲編修
所呈乃其家藏本教忠則

勵延儀堂名也守謙之曾祖勵杜訥祖延儀父宗萬
皆侍直內廷今守謙亦官翰林爲四庫全書纂修可
謂以文學
世其家者

題慶元黨禁

官闕通情侂冑求汝愚曾是失深謀慶元黨禍延邦
國揖盜開門自有由

題曲洧舊聞四首

留金弗紀金間事曲洧依然紀舊聞
一帝播遷雖自取禍緣新法變更紛

建隆端拱政堪徵紹聖宣和百事興設使子孫守祖
制何愁萬世不繩承

汴都掌故頗傳真說部非同耳食倫何事臨安安半

壁冰天雪窖忘

去君親聲

清濁渭涇本自殊操戈同室若爲乎因翻汝璞獨藏
本畧恨爾時程與蘇

出暢春園門往泉宗廟攬景雜詠

清晨勅政尙餘閒咫尺泉宗試叩關雪後不泥還不

凍輕輿真步玉虛間

鱗塋左右雪平鋪積素凝華致越殊了識插秧時尙
早麥田潤透逮犁扶

隄行迤邐向南高碧瓦紅牆綠樹韜建閘蓄泉流注
北春明日下記空勞

山桃春冷尙遲開借助韶光有是哉恰似棲霞寺傍
路一株柳樹一株梅

將軍阿桂奏攻克勒烏圍賊巢紅旗報捷喜成

七言十首以當凱歌

廿四中秋夜丑時木蘭營裏遞紅旗本來不寐問軍
報孰謂今宵宛見之

七千里外路迢遙向十餘朝茲八朝可識衆心同一
志嘉哉行賞自宜昭

賊巢最是勒烏圍甲雜小連噶喇依破竹勢成應不
日速傳捷信願無違

行營半夜那來喧却是紅旗到敘門五載勤勞同上

下鵠勲集總沐

天恩

紅燈一點引紅旗頃刻行營人盡知舊部新藩同賀
喜古來報捷可如斯

成言原有付兒行一見紅旗卽

奏將

啟蹕幸木蘭時命皇六子奉
莊諭以紅旗必由山莊經過俟一

皇太后駐山

聖
母雖是

慈心早知喜更馳侍衛報山莊

皇太后雖已
捷音仍遣御前侍衛

春寧賁奏書馳

詣山莊賀喜

一破賊巢飛騎馳未遑詳悉盡陳之將軍宣力應優
賜先示端倪加勉宜

前次受降惟戢斧今番報捷乃犁庭敬承

天眷能無慰未至武成心未寧

宵衣

去聲

惟吾理合然喜而不寐那能眠乃知展鹵事

誠有較彼殊猶高下懸

三捷盼來一月間此時軍務正相關執渠掃穴歌耆

定佇待郊臺奏凱還

將軍阿桂奏攻克噶喇依賊巢紅旗報捷喜成

凱歌十首

甲午桃花寺蹕停軍書正此俯窗櫺幸哉今日仍憑
處綠柳中飛一點星

勒圍

卽勒烏圍急呼
之則爲兩字

報捷夜行營

八月廿
三日夜

重值上

陵晝返程

二月十
二日

一刻萬人齊色喜光明日月永銷

兵

三穴猶延一月餘六軍奮勇豈饒渠周遭火器熾攻
處早爛區區釜底魚

旬餘檣驛八朝至一片旗紅萬馬飛夾路羣番喜且
懼國之慶也國之威

險惡山川靖梟獍邪深機阱絕根株從今番部都安
堵強食奸欺自此無

薈叢絕險隱妖氛百戰功成古未聞鑿鼓冬冬聲凱
獻羌兒稽首送將軍

堅碣林立萬重山破險衝鋒歷盡艱奏績多資軍將
力紅旗一道入桃關

姜維征處號維州艷羨戎人謠語留今日勒圍爲內
地無憂城果是無憂

盼捷經冬復入春垂成偏覺意塵頻今宵料得方安
枕明告慎哉用武人

流離此日穴巢傾耆定從茲可罷兵歌凱莫教容易
聽五年功幸一朝成

於郊臺迎勞將軍阿桂凱旋將士等成凱歌十

首

郊臺仍是此郊臺何幸重修盛事來漫謂數年經契
濶精神注似日相陪

勲臣率拜列靈旗軍士鳴螺赫武儀樂奏饒歌行抱
見詰戎

家法萬年垂

已已班師本受降庚辰郊勞典鴻厯放牛歸馬予素

志凱獻何期此見雙

準部回城定五年金川小寇亦如前嘉予將士久敵
愜不覺對之增惻焉

地險加之衆志堅林礪步步戰而前小於昔事難過
倍慰意恒因意憫然

鑿穴而居避火器終於面縛出蕃城貪生螻蟻固如
此聚族將焚語豈誠

條經于役五春秋棧道崎嶇似坦郵夾路花紅復柳

綠阿誰致悔覓封侯

脫却戎衣換吉衣龍章示獎特恩稀同心戮力還掄
最便解天閑賜六飛

兵洗金川永不波潢池跋扈竟如何良鄉近遠多黎
庶歡喜都來聽凱歌

凱歌亦豈易爲聞五歲辛勤勞衆軍我實未曾安五
夜幾多憂慮與平分

虛受堂自警

堂以湖中額虛受尋思治理兩言該達聰明目虞書
訓言莫子遠可畏哉

定州詠宋事

元豐礮石守城資南渡於斯概棄之卧榻不容鼯睡
者建隆雄語那重思

王陵城

荒城猶自號王陵陵母知與卓識稱高祖却還惜少
戇馬遷僊語未堪憑

按漢高帝本紀呂后問誰可代蕭何曰曹參可又
問其次曰王陵可然陵少戇陳平可以助之云云
此事膾炙人口率以爲呂后之禍高帝若先知者
帝於蕭曹輩五人知之悉而論之當宜也若夫呂
氏之禍則高帝所不期好奇而不概之以理史遷
實不能辭其責向曾爲文論之因經王陵城題句
復識如左

絕句

興之所至率成二聯遂書於蓮花室之壁更不
湊泊成律句也

一室清涼似蘭若六宮名象侍楓宸嘆無白首爲同
輩剩有青山是故人

受宜居口號

樸築幽居林壑叢四時景概納無窮問予所受宜何
是應在良言逆耳中

題鑑始齋

萬法誠誰是不遷齋題鑑始尙依然幼齡十二承
恩處瞥眼流陰六十年

草房

巖房猶自號誅茅筮得天山上九爻却憶窮簷多凍
餒憂同飢溺那能拋

學古堂口號

學古由來貴學心典謨終始曰維欽設無準酌泥去聲

陳迹封建井田豈合今

木蘭雜詠

木蘭

皇祖幸高年繩

武而今勵佛肩設以憲書論甲子亶然中更益悽然
進圍崖口路從西今歲迤西雨澤稽以此林中鹿遊
少尋思豈爲獲禽兮

馬卿諫失詰戎訓文帝馳忘馭朽篇執兩由來在樹
酌用中亦欲達經權

皇清丁未歲利涉
卷之三
隨獵諸藩舊與新有宜左右日相親思量致此非容

易

祖德勤承告後人

抱樸草堂

覆簷爲草草鋪庭却待東風未放青莫謂草堂茲作
古獅園曾是肇

前型

熱河獅子園有草房
皇考示儉深意
也茲圓明園抱樸草堂之構實效法爲之

自達軒有警

四面幽窗坦蕩披遠觀近睇總相宜忽然有警一問
已民隱安能自達之

懷風樓

高樓清籟永相陪七字成吟復此來德草德風從幼
讀吾民豈盡果懷哉

四月望日往西頂瞻禮自永寧寺出無逸齋門
至泉宗廟小憩沿途卽目觸緒雜吟

由來五頂久名傳四月行香盛會填西者更隣

暢春近緬懷每歲奉

慈船

西頂廣仁宮於日奉

暢春園爲近向年四月十五聖母慈駕御舟由鳳凰墩詣廣仁宮

拈香禮畢迴

輿至泉宗廟少憩還

宮

追憶承

歡奉

豫不可再得觸緒增感

梵寺

奎文額永寧

扁額

皇萬泉

泉宗廟在萬泉莊

欲往路須

經因之敬仰

題名意安奠寰區在戶庭

循路樓門過大西樓前試射憶前題承

歡更復無斯事不忍翹瞻黯首低

南行將欲出園門書屋隔牆見討源倏忽春秋閱七

載

向年詣 暢春園問

安後每至討源書屋

附

傳膳辦事自丁酉至今閱七載不忍再入斯室

他懸榻有陳蕃

巴溝橋畔似江鄉左右鱗塍已插秧目下雖非亟待

澤繼霑益善爲

去聲 頻望

泉神亦可叩施膏下拜因民豈曰勞祠畔書廬自精

潔却無多暇此遊遨

萬泉莊固稱泉盛未及玉泉實大源借得長河一分
水益增曲沼勢潏潏

地勢右高左乃低長隄爲界隔東南流水自涵洞
洩翻向北流灌稻畦

進柳條邊

九關臺

邊口門名

據柳條邊峻嶺崇山相屬連一入分明

別內外沛豐近矣意欣然

勝時結柳原堪禁衰際修城亦易頽皇子扈隨謂知

否守成難論慎思之

過三關得句

興京當日定都年攘外先教安內堅虎豹守關因舊

號

此處本名雅爾哈山就山立關因名

祖功措置動符

天

右第一雅爾哈關雅爾哈者漢語豹也

兩峯排闥聳嵯峨鵬鶚還思飛不過楊鎬已庸誠彼

其去聲杜松雖勇奈吾何

右第二代岷關代岷者漢語雕也

札喀尤臨敵地近界藩拓界築堅城過關

躬戰薩爾濟一舉殲明廿萬兵

右第三札喀關札喀者漢語邊也

晴

三更雲散五更晴寥宇高懸滿月明

祖德

天床真是佑秋霜春露不勝情

燃霞綳觀書

綳梗塗膏光燦霞

盛京吉林土風以蓬梗爲幹搏穀糠和膏塗之燃以代燭用資作勞

謂之霞綳霞綳者國語也

取音譯語亦無差幾餘棐几葩經展大

雅公劉緬

舊家

杏山晚眺再依

皇祖元韻

皇清文宗顯皇帝
百年中外久承平猶仰

天聰此赫聲折戟沈沙復何有
杏山祇剩晚霞明

支公菴

山光樹色無今古
流水行雲有送迎
馬去鶴飛消息絕
巖菴猶紀遁公名

金鼓洞口號

孤墳武穆近堪尋
風作常聞金鼓音
木石無知猶若是
宋家君相獨何心

雲松巢

如巢樸屋倚巖隈節後閒遊淑氣開祇有古松與野
鶴不知春色去和來

題唐寅牧羊圖

李陵衛律應羞死雪窖冰天不變真設使北庭無妻
子更爲漢室一全人

武不降匈奴其節固可稱若云嚼雪餐旃則何以
養妻育子班史不無過譽遽言偶因題此卷輒爲

責賢之備

王問四靈硯

行草升堂米與黃四靈刻硯佐文房爾時可有安邊

策款印猶稱古職方

嘉靖時邊方已漸有事時王問官車駕郎中有古職方氏款印

放鶴亭口號

不教翦羽任翱翔豈爲區區省稻粱即使飽揚白飛去原吾宇內信何妨

題李成寒林鴉集小卷

千林葉落樹枝乾鴉集啼飢復叫寒嗟我民寧無似
此圍鑪不忍展圖看

韻古堂

古鐘十一西江獲補一因顏韻古堂可笑時人習工
尺引之欲令識官商

題文山集

忠義根心節烈身宋家終始一全人文山不獨嘉其
藝題句爲師千古臣

奔波江海竟南迴一木難支大厦摧丞相却原入師
返那辭浮語致人猜

苗李守城入不容操戈室裏避其鋒二人
謂李庭芝苗再成

設弗徇忠節豈免千秋闕險兇

黃冠如願轉難評莫若從容就義精子不知終弟受
職應難地下見其兄

題李公麟渭橋受盟圖

公麟有慨南關事遐想澶淵寫渭橋欽若反云設孤

注如簣僉計萬年昭

石渠舊藏是卷後有吳郡陸柱跋云伯時此圖寫
太宗與突利會盟便橋之事復有元張頡跋及郭
昇等鑒賞印記流傳有緒洵爲名蹟按公麟在仁
宗時親見遼人求關南十縣之事且去澶淵盟好
三十餘年其必有感於國威之不振因遐想夫貞
觀之盛不戰而屈人兵此深心之所託於毫素也
若澶淵之幸寇準力排衆議終却強敵而王欽若

反以孤注之喻肆如簧之巧成敗是非有足爲後
人殷鑒者因披覽是圖慨然成詠並識如右

再題朱載堉樂律全書

琴譜踏知古樂非

見前題載堉琴譜詩

全書更與辨淵微欲求

廣博失精覈

聖製由來總範圍

譜書工尺漏宮商數典徒令意渺茫祇備一家言或
可束之高閣正相當

小令由來格已卑
烝民那得強上聲填詞一端已足該
全部不可與言樂可知

題嘉靖雕漆銀錠盒

西苑應緣用道場
遊龍舞鶴共翱翔
延禧自幾去聲長
生術那計蒼生痛與瘡

題倣高克恭夜山圖疊王寅詩韻

作圖曾是趁幾閒
瞥眼流陰十歲間
展卷不殊當日
興却羞白髮對青山

繪韻樓

淡烟出岫纔生際翠葉臨風欲動時
斯韻問誰能解
繪雲容林態兩無知

詠李廣射虎玉韞

無心貫石有心弗至理由來非詭文
莫怪勿身屈絕
域霸陵禍伏故將軍

按李陵謂廣徒失貴臣之意勿身絕域之表此雖
痛父之意耶然廣因忌霸陵醉時之呵請與俱至

軍而斬之以小恨而擅殺人則其死亦有以自取之也

耕雲堂

山堂冠嶺出墻頭雨笠雲鋤一望收四海三登同此願自知此願實難酬

泠然閣

無論澗底與林巔都有清聲到座邊我自箕疇協象聖御風何羨彼泠然

耕織圖二首

稻田蠶屋帶河濱正值課耕問織辰漫擬漢家沿故

事

按漢書昆明池有石人二以象牽牛織女今之昆明湖玉帶橋西有耕織圖處左右廊壁嵌有耕織

圖石刻湖東有銅牛一亦隱寓漢書之意耳

一般深意在勤民

稻苗欲雨蠶宜霽萬事從來艱兩全造化且艱副民
欲臨民者合懼瞠然

河間道中詠古

獻王祠

相依祠墓梓和桑
秦火那災經義長
詩易至今傳正學
寧須奇秘詡三倉

簡子城

屬燕何得簡城築
尹鐸傳應訛晉陽
帝所重儻穆公事
史遷衡語太荒唐

扁鵲宅

自當生與自當死
能死生人詎越人
二語居然示君道
故當扁鵲號醫神

亞夫城

嚴令軍門細柳營訛傳渤海亞夫城可知地下埋反
獄卓卓早招快快情

董學村

三載下帷獨著書却言災異禍招諸擇交自是學人
重弟子何容呂步舒

間邱臺

禁弓弩對實佳文寶鼎辯能周漢分口給力行殊砥

王似忘明哲保身云

王穀祥春雛得飼圖

老雀含蟲歸故枝羣雛待哺意堪悲觀圖不覺生憐
憫合共思哉良有司

向曾摹宋李迪雞雛待飼圖并題句以喻政在養
民誠當保赤因鑄石頒賜用勗司牧之吏茲覽王
穀祥此圖老雀歸飛含蟲欲飼雛者色喜迎承恐
後一段殷情神貌欲活與李迪待飼之意同而予

絜矩之志觸目卽厪民艱雖新正下詔展賑加恩
行之五十餘年猶未能戶慶盈寧水旱常有彼向
隅者豈盡免腹枵之嘆哉仍命摹泐以示良有司
俾各發天良勉與我共治者

暖

前日微涼今日暖杏花開徧萬巖枝因思王者爲仁
政化被兆民有若斯

畫蘇東坡書傳堯典語

昨齋居事簡偶觀蘇東坡書傳見其注堯咨岳
事時年八十六爽然若有所同肅然若有所幸
夫子以乾隆滿六十年再丙辰之歸政爾時年
幼實未計及年當八十六歲也其間別有委曲
當於歸政明詔詳論之茲且弗言而欲言者朕
觀天下臣民以及外國藩王胥有殷然眷戀弗
欲朕歸政之意茲有帝堯之事以爲證曷勝欣
幸夫堯朕之師也所當效法而尙恐有所弗能

爾諸人其尙何辭

廩塗并浚語齊東著論不期丙午同咨岳時年八十
六法先三載授其終

按堯欲巽位時年八十六其後觀刑考績又三年

而舜乃陟位受終於文祖受終之云向已具論

見今

歲經筵大禹謨
允執厥中御論

在舜爲受在堯則爲授也塗廩浚

井之事亦不約而同東坡故並及之且亦舜之所

始也

漸離城

漸離知己報荆軻無救亡燕豈足多太史好奇饒
語不如鞠武守中和

史遷好奇於荆軻傳尤甚燕丹以太子曰造軻門
下求匕首招舞揚白衣祖道路人皆知之秦豈一
無聞見安望成事且軻事雖成焉能救燕亡國之
禍不如鞠武之言行危求安造禍求福爲中正之
論也

恒春圃

曲折疎籬有路通却遲柳綠與花紅於何識得恒春

意善長上聲乾元方寸中

閱本

駐南苑例如駐圓明園每日閱本示勤政也今
日閱刑部本有雲南省民婦李氏戮斃李文有
一案核其情節因李文有與大功服弟李文玉
口角用鋤砍傷李文玉昏暈倒地李文玉之妻

李氏見而情急悲忿用剪戳傷李文有斃命是
李氏實由於救夫情切致斃人命法司向來辦
理此等案件祇依律擬以斬候殊失情法之平
夫明刑所以弼教而教莫大於綱常妻之於夫
何異子之於父母身爲人妻目擊其夫被毆危
急安坐不救所謂綱常何在乃律例所載止有
子救父母情切聲明請旨減等之條而婦救夫
情切者雖不多見但以律無明文從無量邀末

減之條似屬疎漏因降旨此案李氏卽照子救
父母情切之例子以減等并令刑部詳議載入
例冊以示慎庶獄而植綱常至意因成是什

子因救父有寬科婦以夫綱理不磨胡乃罪同無減
律欲將此義問蕭何

荷二首

从草卉中正屬何芙蓉菡萏任其多葩經自是羣芳
譜陳鄭風餘可見麼

按荷之名見於鄭風曰隰有荷華見於陳風曰有蒲與荷是荷之名爲最古爾雅釋草云荷芙蕖又云其華萏萏其實蓮吳陸璣云荷芙蕖其華未發爲萏萏已發爲芙蕖於是荷一物而其名遂多按許慎說文荷芙蕖从草何聲宋陸佃埤雅又云荷總名也華葉等名具衆義故以不知爲問謂之荷也俱未嘗質言荷之訓何予以爲荷之从何是諧聲也以具衆義而不知爲問是會意也况三百篇

經聖人手訂魯論云多識於鳥獸草木之名是已
爲後世博物之宗而荷之名惟見於陳鄭二風可
知古人觸物命名自具意義則荷之爲何當屬正
解不嫌狃論也

湯泉看罷御園纔一月過餘此甫開南北暄寒有如
此遲榮君子意無猜

今日見荷率爾促成自謂山莊之作此爲最佳

味甘書屋白警

苦言藥也甘言疾幼熟讀之豈暫忘獨是盈庭耳目
耆頌多規少爲徬徨

安眠口號

安眠半夜弗知久望捷片時仍覺遲不怨不尤胥不
忍如臨如履祇如斯

按不怨不尤之語出論語予以爲不怨不尤未免
仍存二字之意在惟應自思已過知過而改乃益
善然言之易而行之難無意書此成語以爲口號

亦紀近日學詣之境耳

卽事

乘涼每愛倚長松無礙翻來天籟重坐久不知時與
刻梵樓遙報午初鐘

山寺不設僧惟令園吏按時鳴鐘亦一佳趣也

牧魚亭得句

牧魚名與彼岐同上下察存指顧中自謂饒他一著
者經營不藉庶民攻

按大雅靈臺之詩以詠歌文王德及於民有臺沼
之樂而民樂其樂然細繹詩辭曰經之營之庶民
攻之不日成之則猶不能不資於民力蓋古者力
役之征聖王不廢周禮所云公旬三日及二日一
日卽當時役民之法詩人以文王用民之力而民
忘其勞爲頌揚歸美之辭顧予思之用民之力以
供遊覽何如不資民力之尤愈乎我國家偶有工
作皆弗用正帑惟以關稅盈餘及內帑節省者物

給價工給值絲毫不以累民而貧者轉受其利卽
歷年駐蹕山莊亭臺點綴間事添葺從未嘗少資
民力向年所著知過論已詳言之是予所引爲已
過者視大雅所云或猶可無愧乎偶題牧魚亭附
識數語以示意

除夕立春

穀豐雪盛合年昌感荷屢綏佑

上蒼方寸誠宜渥深慰依然渴掬捷勅幾忙